

近代中國史料叢刊續編第八十四輯
沈雲龍主編

庚申粵人驅賊始末記

譚微中編

增：周康燮：粵軍回師紀略

文藻出版社有限公司
印行

庚申（一九二〇）粵人驅賊始末記

譚微中編

庚申粵人驅賊始末記序

桂賊陸榮廷莫榮新馬濟諸酋。窃踞吾粵。五年於茲。此五年中。珠江流域。天日無光。五嶺以南。淪於地獄。跡其種種罪惡。洪水猛獸無其酷。生番魔鬼無其兇。我粵人所受之痛苦之恥辱。縱決盡西江之水。不足以滌其污矣。幸天相吾粵。我粵軍總司令陳公炯明。洒亡省之淚。伸討賊之義。振臂一呼。百粵嚮應。用能清茲妖孽。復我鄉邦。此固黃祖在天之靈所默相。抑亦我諸父老昆弟同德同心之所致也。茲者粵人治粵。目的已達。孟明報三年之賜。漢武復九世之仇。我粵人即無報復之見存。然繼自今始。本自決之精神。謀群衆之樂利。始稍稍有所憑藉。幸何如也。嗚呼。是役也。桂賊挾兩省之力。驅十萬之衆。相持至數閱月之久。糜爛至十餘屬之廣。犬小數百戰。血肉狼籍。死傷山積。加以賊衆姦淫焚殺。靡惡不作。逆兵所過。婦孺無幸免焉。我粵人犧牲之鉅。至矣。極矣。蔑以加矣。吾友譚君微中。怒焉憂之。以爲不有紀實。曷以傳信。因搜集數月來之所見聞。彙爲此編。名曰庚申粵人驅賊始末記。使我粵人知光復大業之匪易。而亟謀所以繼長而增高之。意至善也。書成。屬序於余。余不敏。顧亦嘗隨我三千萬同胞後。爭此人格。又惡能已於言。噫嘻。血耶。淚耶。其驚心怵目之痛史耶。讀者亦有感於斯文乎。是爲序。

中華民國九年十一月

日

（看鼻室主識於香江寓

序

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



編輯緣起

庚申粵人驅賊始末記

編輯大意

粵桂戰爭風雲。起於八月之中。迄於十月之杪。爲時將及三月之久。所有事情。報紙逐日登載。但傳聞每多失實。然有聞必錄。乃報紙之慣例。且急就之章。無怪其然。茲將各報所登載及親友耳聞目擊所報告者。刪繁就簡。取實舍虛。輯成是篇。附諸鉛槧。使我粵人永永不忘桂賊虐政之痛慘。而發憤自治。以孚共和政體之旨。區區之意。或亦大雅君子之所不棄也。

(編者識)

中華民國九年十一月十號
舊曆歲次庚申十月初一日 刊行

粵軍回師紀略

粵軍回師紀略

民國九年庚申（一九二〇）八月，粵軍自閩南回師廣東，使垂危幾墮之護法事業復甦。自是有非常大總統之誕生，有國民政府之建立與統一。爲國民黨奠定重掌政權初基。中間雖遇陳炯明之搗貳，然大難瞬告收平。言當代鉅公飛黃事蹟，不鮮于役於此旅戎間，尤以隸屬第一師之人物爲最，如李濟琛、陳可鈺、張發奎、陳銘樞、陳濟棠、蔣光鼐、蔡廷楷、余漢謀、香翰屏、李揚敬、黃琪翔、李漢魂、薛岳、徐景唐、繆培南、葉肇、張達、鄧龍光諸氏，皆爲當年該師骨幹。其歷史演進，與中國近代史事攸息相關。而回師事蹟，尙無專文記錄，即黨史編纂，於斯役史蹟，至爲簡畧。豈文獻散佚，不足徵歟？

余生既晚，當是役發生時，尙在童齡，至今猶恍惚其事而莫能審。曩於冷攤，偶得譚微中編之『庚申粵人驅賊始末記』，輯錄資料，皆爲粵軍回師之事實。稚年隱晦，豁然光霽。一九六三年秋，余應香港大學校外課程部請，開講『近代中國與廣東文明』課程，第八講爲『護法在廣東』，因將回師事蹟，參以他著及譚書並獲聆諸熊公續（畧）丈爲述當時經歷者，編成講稿，以實斯課，藉存鄉邦掌故云爾。今以存萃學社有『中國近代史資料分類彙編』之輯，爰就舊稿畧事補訂，并附譚書付諸梓人。疏畧之處，誠所難免，尙幸識者有以教之。壬子冬至周康燮謹識



陳 炯 明
(1877—1933)




鄧 鏗
(1885—1922)



朱 執 信
(1885—1920)



陸 榮 廷
(1856—1928)



莫 榮 新

前函所述，現東莞已得，不龍方面
皆可無慮，敵之未必由大望圍一線來，
但以此情形尚不可知，若粵軍能如
二營好兵來則此地必可守，若者十
營以上則之軍攻勢現在看，如廣已等
有一艦即可以之為護送，載兵來矣，
清遠圍之地當須急為準備，請代
辦廣東各物來此，以便布定妥即來者，
船不接廈門是紅軍，請另派人交涉，
並請其電威遠台轉示，福林處須備其
速著手，以此情形如何。 隨後酌辦之
此致 大弟 大弟二十日

上圖爲朱執信先生遇難（1920年9月21日）前一日在軍次致「伯麟」手札，札告軍事部署狀況并促李福林、魏邦平發難之墨蹟。 箋按：伯麟姓馬氏，或爲當時策動起義負責人之一？李綺菴曾在孫科處具領的款轉交其充作經費者。事見『國父全集』玖——466 葉「致子科指示匯款用途及軍機並附致李烈鈞電」。

原函今爲執信先生季婿徐炳麟氏珍藏。字蹟漫漶，因譯注如下：

前函諒達，現東莞已得，石龍方面
暫可無慮，敵人未必由大堂圍一路來，
但以後情形尙不可知，若粵軍能派
二營好兵來則此地必可守，若有十
營以上則可取攻勢，現在看，如廣至等
有一艦即可以之爲護送，載兵來矣，
請速圖之，地雷須急爲準備，請代

已有藥

辦應需各物來此，弟俟布置妥即來，省
艦不接虎門無線電，請另派人與交涉
並請其電威遠台轉弟，福林處須催其
速着手，香山情形如何？ 請復 伯麟兄
此請 大安 大符二十日

宋執信先生遇難後，胡漢民在滬復致朱氏介弟秩如手簡，備述其傷痛悲憤之懷，并告對執信後事之初步處理情形。簡中有「將何仲達報告剪上」一語。仲達報告原文，見本書葉一一。原簡今由朱先生哲嗣百新珍存。

秩如我兄，西書網志我心，傷已極，不能詳言。

去年仲達報告，^何仲達名振回。

十年來，思之甚多，共事之日，志也。

此時各事，方未解伏慮，三獲一內消息，即必
招親奔去，故暫時喘之。猶之留者，其病

人，豈不白已。

此事，直是上帝弟，竟不仁奪斯人，去使人

類，這重大之損失，而執事多年形影相依，惡氣

與共者，至此身術之施，豈非自有知識以來，未

幸遇此可思可憐之奉也 痛哉痛哉

者垣雖有親來矣赴晤同悔年一感迫莫賦此

彼此仍厚相持親孝孝不知先其制人種之

虞此時方維料 其法果

執又遇害之日 相并及親之 角能念 運橫四

光法方系就捕實知此輩小醜鼠賊印捉擒

萬個碎別為致亦無方債也 去復印次

學和 為漢民力

十月四日

目錄

圖版 七幅

一 引言·····	一
二 粵軍之組成·····	二
三 援閩經過·····	四
四 直皖鬪爭與孫段聯合·····	七
五 粵軍回師與初期戰績·····	八
六 虎門礮臺獨立與朱執信遇難·····	一一
七 李福林、魏邦平兵諫與和平運動·····	一三
八 莫榮新之偽裝和平與粵軍攻克惠州·····	一六
九 桂系退出廣東重建護法基地·····	一八

庚申粵人驅賊始末記

(台山譚微中輯)

(一) 驅賊緣起

此次粵桂戰爭之風雲醞釀已久蓋自桂系岑春煊陸榮廷莫榮新輩握我廣東政權以來恒視廣東爲彼征服地每思廣充其勢力以成永久桂系之藩屬凡廣東人之稍有勢力而不爲彼輩所悅者必設法以去之如孫中山張天驥莫擎宇程璧光李耀漢翟汪伍秩庸等或以兵力或則暗殺或用陰謀務使剷除淨盡而後已至其在粵施行之政治又無一毫能爲我粵人民謀幸福且賭禁復弛苛抽雜捐拂逆民意及種種暴虐(見下文各界電文所列)以致人怨沸騰自知不能見容於粵人近以粵軍總司令陳炯明在漳兵力稍充誠恐將來不免回粵與己作對是以借攻閩之名起大軍隊及海軍分赴東江各要區

驅賊緣起

進迫閩邊期撲粵軍行其假途滅虢之計以除後患乃陳總司令早已知之嚴爲戒備俟其侵近防地卽迎頭痛擊並宣布岑陸莫毀法殃民之罪狀旋師討之於未發動以前經將所部粵軍分別支配委任統領二十八人分率之每統領所部三營或四營不等特探得各統領名次如下第一統領陳小岳第二統領饒壽平第三統領梁鴻楷第四統領洪兆麟第五統領許廷傑第六統領熊畧第七統領張化如第八統領鄧本殷第九統領李漢隆第十統領鍾景棠十一統領黃鳳倫十二統領羅翼羣十三統領蔣國斌十四統領謝文丙十五統領許濟十六統領丘耀西十七統領楊坤如十八統領張國貞十九統領馬永平二十統領徐岳嵩廿一統領楊秉維廿二統領尹驥廿三統領李雲復廿四統領孫本戎廿五統領杜起雲廿六統領張乃武廿七統領吳威廿八統領劉漢臣又

驅賊緣起

二

派鄧鏗爲參謀總長許崇智爲左翼司令熊畧爲右翼司令陳炯光爲警備隊司令其餘李炳榮鍾聲翁式亮羅紹雄等各有所司均領受方畧聽候調動部勒既定卽於新歷八月十二號在漳州公園誓師出發陳總司令則起大軍繼後以資策應聞粵軍將士久欲歸里得有動員消息無不歡欣鼓舞急圖一戰其留守漳州者不獲躬親戰陣之列皆各快快不樂軍心之勇往可概見矣茲將陳總司令出師通電錄下電云粵軍攻閩原爲護法討逆漳州破後方擬直搗閩垣而軍政府突命停戰迫令休兵不得已勉戢干戈靜待後命今皖直之爭已息大局之解決有期并無用兵之必要乃忽紛紛調兵壓境而陣若謂攻李厚基則何不出兵於停戰之前而先事何不與我相商至今猶未見討伐明令跡其所爲無非仇視粵軍意圖襲擊故爲曖昧態度欺我粵人想粵軍苦戰經年轉鬥

千里所領餉械爲數最微每有請求百無一應粵省爲護法之區粵軍爲護法之軍何以粵省之財粵軍不得稍分餘瀝炯明撫視行間見士卒飢苦情形不覽泣然流涕每念我粵慘狀輒用痛心今愈迫愈緊必欲置諸死地而後甘心粵軍何辜罹此慘毒炯明不忍同室操戈自相殘殺惟有防嚴守地以免糜爛地方如桂軍必欲逞兵殘民則炯明亦不能負其責孰是孰非當有公論嗟我粵人尙其鑒之炯明蒸印

▲洪兆麟通電(銜畧)粵軍攻閩以孤軍苦戰拓地千里破漳以後遵令停戰既不

能直搗福州陳總司令乃專意改造閩南刷新政治事實具在心跡皎然乃桂軍必欲將其剪除無端以重兵壓迫究因何事而不相容兆麟之介武夫素無省界觀念對桂粵原無所用其偏私祇以桂軍贖武殘民遂不覺同深義憤粵被征服受害固深而桂軍兩次入湘其禍我湘人亦同茲

酷烈殺敵致愾人有同心湘中健兒仇桂已甚天道好還無往不復行見桂軍所施於我湘粵者將一一自食其報也謹佈區區伏維鑒察兆麟叩

▲粵軍許軍長討莫榮新佈告 自護法軍興本軍奉令援閩經年以還血戰數十奔馳千里凡我將士艱苦備嘗方期貫徹主義藉竟全功不意廣東督軍莫榮新忌刻性成對於本軍彈欸毫不接濟數月以來並且紛調大部軍隊壓迫閩邊窺伺我軍防地竟乘不備實行來襲我軍似此處心積慮破壞大局我軍忍無可忍業已正當抵禦實行應戰查桂軍盤踞廣東無惡不作粵民痛苦已達極點本軍既為粵省軍隊對於粵民休戚相關自難漠視矧莫氏年來勾結野心家利用陰謀黨逼走總裁驅逐國會蹂躪護法政府罪大惡極擢髮難數現又逼我而陣先開釁端在事實上與大義上實已避無可避忍難再忍現

驅賊緣起

在國會業已移設雲南護法政府不日成立除特依據四總裁宣言及粵民希望親率隊伍整旅返粵拯飢援溺出人民於水火除兇去惡竟護法之全功軍隊所至秋毫無犯為此特行佈告爾商民人等一律洞明此意毋忽切切此佈中華民國九年八月十六日

▲粵軍全體將士宣言 慨自辛亥反正瞬屆九年內政不修外患迭起變亂侵尋迄無甯宇蠅蟻沸羹舉國騷然而地方之糜爛人民之塗炭尤莫如我粵之為甚我粵自莫榮新等竊踞以來殘害吾民無所不至舉凡民意所屬望之事民意所歸附之人莫不被其破壞之殺害之驅逐之番攤義會流毒最烈年中因而喪命傾家賣妻鬻子者以數萬計鴉片烟勒種遍地鄉人求免反遭其禍是民意所欲禁絕者而彼遍弛之兵工廠所出槍械子彈悉數發給桂軍或運回廣西粵人軍隊絲毫不

驅賊緣起

與近復妙想天開將機器大部運去南寧廣雅圖書乃吾粵文化之命脉劫掠殆盡始皇坑焚無此毒計是民意所欲保存者而彼偏奪之造幣廠所出毫洋概運回桂以致吾粵銀根短絀毫幣低落粵人損失年逾千萬是民意欲留粵以流通市面者而彼偏掠之吾粵連年兵燹水旱民不聊生莫榮新等不但不設法救濟反巧立名目大肆敲剝一縣委員有多至廿人者雖前清豁免之糧亦勒令繳納否則拿人酷詐至於婦女淒楚之狀不忍目睹是民意所欲求安寧者而彼偏擾之以上各事皆經省議會議決叠次質問概置勿恤彼等盜賊其心豺狼成性誠如湘省譚督禡電所云視本省如天驕視他省如奴隸也程璧光湯廷光首倡護法率艦南來因民意所歸一則遭其暗殺一則幾及于難孫中山伍廷芳為吾粵素孚衆望之人均遭驅逐唐少川為吾粵名宿總代西南可以謀粵

四

省之福利者而亦遭擯斥粵人警衛軍百餘營悉遭改編陸續以桂軍頂補其排除異己立心險狠已可概見至其縱容強盜乞丐之兵騷擾閩更屬罄竹難書吾民所受亡省之痛較之高麗口口安南波蘭亡國之痛尤加百倍彼輩天賦賊性謀財謀命是其慣技近復將駐湘桂軍移師入閩壓迫我軍其居心無非仇視粵人儼同敵國雖我軍在外僅有一線亦必欲誅鋤之以為滅種之計俾得長踞吾粵荼毒吾民全軍同人忍無可忍乃不得已全體宣誓冒死殺敵救我粵人粉身碎骨實有榮光英哲有言人必先愛其鄉而後始能愛國粵軍今日係為鄉為國而戰凡一切黨派及其他問題均非所知是用飲泣誓師掬誠相告同胞諸君尙祈鑒之粵軍全體將士同叩

▲粵軍全體將士致桂軍將士書 閩南數載結想為勞每念同胞感懷何極今者

桂粵兩軍竟不幸干戈相見矣無端壓迫忽肆侵陵粵軍忍無可忍不得已乃起而應之吾輩軍人本以戰爭爲天職然用之國內已屬痛心前此援湘援閩猶可曰護法討逆今則果爲何事而須用兵况粵軍同是西南護法者乎民國肇造變亂迭興推原禍始皆由少數武人竊兵弄權階之爲厲吾輩身列戎行原爲國家效馳驅而非爲私人爭權利彼輩利用吾人而吾人乃偏爲之盡力以致凡百罪惡皆萃於軍人一身爲天下後世所唾罵中國軍人程度雖低然亦何至全無心肝如此陸榮廷常謂兩粵本爲一家果如所言自當相親相愛共圖福利乃於粵人則虐之唯恐不深殺之唯恐不盡五年以來其所作爲亦既予人以共見某等粉榆痛切不思殫述以重傷吾人之心然以彼所爲不過富貴少數之桂人及其私黨而已於廣西全省之人民絲毫無與也怨毒所積粵人腐心

驅賊緣起

切齒常思所以報之一旦得當禍且全中於廣西陸榮廷莫榮新何苦逞一時之勢力爲桂粵結不解之冤而遺禍於子孫鄉里夫政敵本非深仇粵人積怨雖深然以正義人道爲衡豈忍以暴易暴禍粵罪魁止在陸莫其中縱有不肖奸人爲之長奸助惡亦豈無深明大義不願助桀爲虐之人徒以一二人所爲遂致詬及全體某等竊爲諸君惜之現代思潮趨於民族自決粵人所爭者在取回政權目的既達不特無報復之心且可與西省提携互助共謀發展諸君或籍隸桂省或本係粵人雖爲陸莫效力要皆有不得已之苦衷必不自貶人格甘爲鷹犬某同人等非曾經同學卽素篤私交平日攻錯同心豈忍執兵相見所望向義輸誠倒戈相助或勉勸陸莫還我廣東共圖縮減戰禍以免塗炭生靈豈獨吾輩之幸兩粵人民實利賴之易禍爲福轉罪爲功取舍從違決在今日區區

微忱尙祈納鑒

（二）東江方面

潮梅

粵軍自漳州誓師出發至十六晨到潮屬地方下令開始攻擊至十九日連克大埔詔安蕉嶺新豐饒平黃岡平遠澄海潮安梅縣及潮州府城等處潮循道尹李國治及各縣知事均先後逃遁桂軍多有繳械投降或逃至汕頭搭船返香港或走入惠州各縣者查桂軍在各處者不下十營爲劉志陸劉達慶陳坤培等督率惟各軍官到粵後已多發大財故重視性命視戰陣爲畏途又聞未開戰之先有粵軍某長官曾發一種軍歌大意謂此次若敗不特粵軍無立足之地即廣東人亦無立足地然廣東三千萬最親愛之同胞永爲桂系家奴矣有此字字辛酸句句有淚之軍歌粵軍已歌且泣故拚命進前桂軍又素有乞

兒之名故莫能當之而粵軍則有本省本身之關係各將領又皆有軍事學識所以每戰必克又粵軍每次作戰必有飛機翔繞空際散佈傳單以資警告凡屬廣東兵士有受桂系所統率者及桂軍之不服岑陸莫行爲者與海軍將士讀此傳單無不感動一經交綏多有帶槍投向粵軍者其在後方者凡遇補充輒趨不前坐失戎機是以粵軍所至有若摧枯拉朽此粵軍勝而桂軍敗之原因也茲將各種傳單及鄧總參謀陳總司令報捷書錄下

▲粵軍用飛機散佈傳單 該傳單面上有空中傳來電訊六字題曰「粵軍飛機隊警告」其文曰「我親愛的廣東人汝爲莫榮新來殺我廣東人乎我親愛的廣西人汝爲莫榮新來害我廣東人乎我親愛的外省人汝爲莫榮新來殺我廣東人乎我親愛的海軍將士汝忘程公之仇反莫榮新來殺我粵人乎」該傳單末尾另有

濃圈密點之淺文數句云「快快聽我言
倒戈殺賊受上賞携械來投領恩餉海軍
助我爲義戰不聽忠言禍立見炸彈一下
無倖免」該傳單刻有五色國旗上刻有
飛機數架旋繞半空下便刻有水陸形圖
頗爲奪目也（又廣東人勿打廣東人之
傳單）下署廣東全省紳商學界全體謹
白其文曰（專打廣西的強盜）（廣西人
亦要幫助廣東人打強盜）（救廣東卽所
以救廣西）廣西的強盜陸榮廷莫榮新
馬濟沈鴻英等因爲想實行他的大廣西
主義打完李耀漢之後就要打滇軍打完
滇軍之後就想卽刻去打粵軍因爲當時
有一兩個明白的軍官勸他不可太露鋒
芒致授廣東人以口實陸等於是暫不敢
動粵軍之手等到現在岑陸莫等因爲又
要幫助北方的強盜張作霖張勳等再擁
宣統出來做皇帝知道粵軍是不肯和他
蛇鼠一窩的於是借攻李厚基爲名以行

東江方面 潮梅

他的假道於虞以伐虢的詭計唉我們廣
東的軍人啊非我同鄉其心必異你等既
係廣東人岑陸等能够信用你等嗎一定
不會信用你的不過暫時祇管利用你等
去打粵軍打完粵軍之後還要你等去打
李福林魏邦平打完魏李之後卽使不打
你等而你等的地位一定會漸漸用的廣
西人來補充你等的空位你等到了這個
時候只有收拾行李預備走路之外沒有
其他的辦法了古語說得好狡兔死走狗
烹飛鳥盡良弓藏自古至今都是如此的
故此我敢下一斷語曰此次粵軍如果打
敗廣東當然完全變爲廣西強盜的世界
到了這個時候就是你等廣東軍人下台
的日子了以上所說的話係專從利害上
替諸君設想若從是非上去說那就諸君
更要廣東人自己聯結團體趁早倒轉槍
頭去驅逐那些廣西強盜切不可自己打
自己以免受人利用白做人家的犬馬白

做人家的奴隸諸君試閉眼一想自從陸榮廷陳炳焜莫榮新幾個強盜到廣東以來除了姦淫婦女強霸民居私種烟苗大開番攤搬運軍械掠奪圖書殺戮學生併吞欽廉之外我等廣東係究竟得了什麼好處此猶就廣東一局部說法若從大局上言岑陸等尤罪不容誅孫中山爲開國元勳則設法以去之程璧光爲護法首倡則購兇暗害之迫散國會而擅立非常會議驅走伍總裁而自舉非法總裁其他如暗通北敵以希圖復辟私訂五款以單獨媾和稱徐世昌爲大總統便舉張勳復職尤爲護法叛逆民國罪人凡此舉動實爲天地所不容神人所共憤凡有血氣亦當不共戴天又安肯幫助強盜做强盜的鷹犬廣東人自殺廣東人呢故此我等勸告你等廣東的軍人千祈不可自己打自己的就是這個原故唉我所最敬愛的廣東軍人啊你如果不欲做廣西人的奴隸而

欲做廣東的主人就請你等早的決心幫助粵軍去驅逐那些廣西強盜最後我等還有幾句說話敬告廣西軍人的廣西自被陸榮廷譚浩明陳炳焜等強盜執政後廣西人民飽管苛政的苦楚實比滿清末季尤甚廣西除了武鳴柳府龍州三處的陸等私人外廣西人中無論你有若何的才學陸賊等均不敢信用你的你試看你等的官長都是強盜出身蠢如鹿豕而君等出身學堂則貶爲連長排長有事則驅你等去死功成則你的強盜官長得之此種待遇實屬不平到極我等這回攻打廣西實係專打岑春煊陸榮廷譚浩明陳炳焜莫榮新馬濟沈鴻英一班強盜併不是與廣西平民作對我等這次攻打廣西強盜不獨可以救我廣東人民併且可以救廣西人民的故此我等很願意你等來和我等携手幫助我等去驅除廣西的強盜以救我廣東即救你廣西的你等能夠決

心過來那是我等所最歡迎的

▲粵軍總司令部行營快郵代電 上海

孫伍唐各總裁章太炎孫伯蘭汪精衛胡展堂徐固卿各先生民國日報轉各報館廣肇公所潮惠會館嘉屬同鄉會館雲南參眾兩院唐總裁李部長各師旅長貴州劉聯軍副司令王總司令四川呂總司令楊省長川滇黔各師旅長陝西于總司令湖南譚督軍各師旅長周道腴先生鄂西黎總司令廣州省議會林總裁湯次長及各艦長呂總司令魏廳長李鎮守使江門陳督辦欽廉陸鎮守使黃督辦及各團體各報館漳州浙軍葉參謀長蘇旅長安海陳師長鑒莫榮新盤踞廣東夥集游匪日肆淫掠炯明始忍桑梓之痛期其協力護法繼又忍其護法不誠之痛期其終悟以維持西南大局罔料賊性莫改恣睢日甚殺逐元老脅散國會剪除友軍破壞護法無所不至近復大集強盜來襲我軍我軍

東江方面 潮梅

忍無可忍爲國爲法爲鄉義當聲討爰於銑日鼓行而西奮烈討賊茲據右翼軍銑日報告本軍於是日午刻克復大埔縣城斃敵百餘名獲槍一百餘桿俘敵連長一員士兵百餘名我軍微傷數人又篠日據左翼軍報告銑日午刻克復詔安縣屬之梅州四都等處俘敵百餘名排長一員獲械百餘桿乘勝進佔詔安縣城降敵一連篠日下午敵在分水關據險頑抗被我軍奮力圍擊追至黃岡敵潰散下午申刻我軍遂完全佔領該城又據中央軍報告銑日攻破茂芝前之敵篠日又攻破梅子坪石井新豐之敵現止圍攻饒平縣城又篠日接右翼軍報告銑日午刻本軍占領蕉嶺縣城敵死傷甚衆現在追擊中各等語特此奉聞佇候明教陳炯明篠日西

▲鄧參謀長致香港某諸要人書 (銜畧)弟偕洪司令十三日由漳州出發十五抵雲霄十六早遵命攻擊詔安梅州四

九

東江方面 潮梅

都之敵是晚占四部(六十里)十七早乘勝追擊午間占詔安(四十里)十八早攻敵分水關黃崗(三十里)十時占領之即日乘敵損傷疲過甚即晚追至樟林(八十里)因東隴河隔未能即渡乃宿營于此十九早拂曉由右翼偷渡東隴河即午追至澄海前方之南洋河因船隻均逃至午夜始進澄海二十早五時半即占領汕頭查自雲霄出發至汕頭激戰兩次小戰數次我軍官僅傷亡數十人敵人在汕俘虜一二千以上(前敵數百)死傷之數雖不明瞭大約總在二三百以上矣(我第二路得一千六七百槍機關槍八桿砲十餘門餘爲海濱兄部得及損失殆盡可惜可惜)此第二路之戰況也)總司令在平和親自指揮)至中路方面得熊鄧司令通告十六早占浮山十七占饒平十九二十兩日均在鳳凰山黃山坑方面激戰因敵有山險可守乃未攻下今早(廿一日)

七時得潮安電報謂敵人已退守(知汕已下)我軍已進城雖非確實情報然以情勢察之敵人亦斷不能死守潮安也右路許軍長所部十六占松口蕉嶺十七佔大埔十八十九兩日向梅縣興長進發大約梅興長已占領矣中右兩路已得報告者得敵軍械亦復不少但不知其詳耳總之此次各路敵軍前線者至少在一萬人在後方者約五六千人爲我軍戰術包圍及擊散者有三分之一投誠者有三分之一餘三之一雖曰散退但彼軍心如此疲勞如此沿途逃亡及不能維持者亦可以去其半也一言以蔽之潮梅總算已完全收復矣我軍抵汕兩日秩序甚好商民亦甚爲歡迎沿途百姓不論閩粵均送茶送粥因之士兵不獨不敢有不軌行爲且勇氣百倍非盡殺敵人已觀此情形惠州省垣似不成問題矣此可喜之徵兆也(後畧)(廿一日由汕頭發)

▲汕頭十九日亦宣布獨立至廿一日總參謀鄧鏗業已抵汕頭矣緣十九日潮梅鎮守使署（該在汕頭）衛隊譁變有兵士七人搶入鎮守使劉志陸辦公室要求汕頭宣布獨立以抗莫氏劉不允一兵關槍向劉轟擊中足兵士七人均被拘當場槍斃同時又有劉之部下砲隊營長余鷹揚（台山人）早受粵軍運動至是忽爾宣布獨立響應粵軍故劉與其參謀長及高級軍官見勢不佳逃落海圻兵艦遁回省城而海軍亦宣布中立率艦回省（海軍出發時以爲實行攻閩及到汕始知攻陳故也）故汕頭不戰而定當桂軍由潮梅各地敗走回汕時肆行搶掠及拉人挑擔器物以致商店一律閉門迨粵軍到汕後方開門復業大放爆竹以表歡迎至廿四日陳總司令到汕頭即在該處設總司令部以資辦公隨委洪兆麟爲鎮守使鄒魯爲道尹姚雨平爲潮汕衛戍司令馬育航

東江方面 潮梅

爲籌餉局總辦黃強爲海關監督兼交涉員某氏爲警察廳長陳衍爲檢察廳長顏桃溪爲厘金總辦鍾秀南爲潮橋運副又以余鷹揚率砲隊附從深資得力即擢爲第廿領統以示優異以余耀華爲幫統（耀華亦台山人係受孫中山委爲運動鷹揚者）將該砲隊定名爲粵軍砲兵團計開砲兵一營七生半丁退管砲五尊（內德國式三日本式式）開花彈千餘枚步兵五營以李寅鐘爲參謀長伍士雄爲總指揮梅放州爲第一支隊司令李富爲第二支隊司令余復三爲第三支隊司令部署既定即飭各司令馳赴前敵陳總司令又通飭取消救國軍名義所有各種軍隊皆冠以（粵軍）名號以免混淆至廿三四等日揭陽普寧惠來五華興寧等相繼收復粵軍各司令佔領各地所獲槍枝子彈甚多人民夾道歡迎無甚劇戰潮梅兩屬各地完全爲粵軍所轄自出發以來不

東江方面 潮梅

潮旬日得地如是之廣可謂神速矣又粵軍到汕商民除歡迎外并籌辦助軍餉廿餘萬元可見人心之歸附矣又粵軍返旆之初人多慮其軍實缺乏茲據由汕回來者言當粵軍未入汕之先已得某鉅商之將助在某國購有大幫槍彈入汕頭所得槍械尤復不少計桂軍被繳械者數在二千人以上鎮守使署內存貯子彈數百箱（此次子彈係新由海軍某艦運往汕頭預備作戰者莫氏并派有親信參謀在此監視以防劉志陸有變節舉動）均為粵軍所得對于餉項一層汕頭各商概允助力計至二十二號已籌得二十餘萬由汕頭商會伙助者第一次為三萬元第二次為四萬元其餘均係各鉅商縉紳之家所暫行移借云茲將粵軍兵力之雄厚分列如下（一）粵軍兵力原有一百餘營此次回粵以八十營赴前敵戰鬥以二十餘營留守汀漳（二）粵軍自收復潮梅後得

十二

槍數千枝大砲十餘尊機關槍三十餘挺收編附義軍隊十餘營增加兵力約三十餘營（三）不日留守汀漳之軍隊又陸續開拔回汕合計步砲兵力不下一百三十餘營（四）前日出發進擊惠州之兵共一百營左右其餘三十餘營則暫留潮梅分駐各要地均歸潮汕衛戍司令姚雨平指揮以固後方（五）據粵軍中人云此次以一百營兵力攻克惠州進取廣州均屬有餘無不足也云特記之以供留心軍事者

▲陳炯光率軍抵汕 粵軍警備隊司令陳炯光誓師文如下警備隊司令官陳炯光謹於出師討逆之中誓告於我有衆曰嗚呼天禍吾粵慘罹百殃陸譚陳莫以西陲大盜跳梁華夏提挈醜類涵淹卵育於我鄉邦者蓋數年於茲矣該匪等假藉護法侵暴無藝性同豸虎惡比窮奇戕我元勳戮我主筆蹂躪我土地虔劉我人民撓亂我政權肢削我膏血猶復包藏禍心甘

冒不韙大開賭禁廣種烟苗輸入桂幣以
吸我現金圖割欽廉以蹙我領土更竊取
我兵工機械私運我圖館書籍非使我廣
東精華膏髓割剝淨盡不止以故膺兵符
者攬政權者非其心膂卽其牙爪綠林猾
匪地痞隸卒無不印綬纍若廣攫多金姦
淫擄掠所到爲墟此皆事實彰著共見共
聞不容一字假借者也至若私通北庭陰
謀權利蔑視國會破壞大局滔天之禍實
惟桂軍尸之其對我粵軍也陽示羈糜陰
圖撲滅當粵閩劇戰之秋正呼吸存亡之
會宜如何同心同德共濟艱危乃視同秦
越斷絕接濟騙我三千健兒盡殲滅于強
敵之手幸天祐我軍閩南底定千里轉戰
半壁圖存筆路籃篋條然大啓詎惡心不
死毒燄彌張嗾使方氏搗亂安永狼奔豕
突膠擾經年今更以大軍駐潮梅進窺閩
邊扼我歸路又慙慮海軍游弋詔安沿海
鷹瞬虎視咄咄迫人夫以彼族視我廣東

東江方面 潮梅

若征服地若俎上肉我父老子弟他他
覘伏於強暴武力之下亦已有年未嘗一
矢加遺實已仁至義盡孰意野心狼子反
德爲仇盜憎主人會益驕肆嗚呼天地晦
冥暴徒接迹此而可忍孰不可忍本司令
挽戈還甲飲恨茹荼恫念祖宗廬墓故鄉
悉成狗鼠縱橫之窟漫漫東望涕淚交頤
茲者奉令討伐詞嚴義正誓與我官佐士
庶負弩前驅揮戈東向所望人懷敵愾共
賦同仇破釜沉舟義無反顧犁庭掃突迅
奏膚功惟是師克在和古有明訓凡我部
曲悉屬同袍務各相親相愛毋詐毋虞休
戚相關榮辱與共至於勝敗無常勇怯是
視臨陣退縮國有常刑軍行首重紀律所
至勿犯秋毫須知愛鄉卽是愛國救粵始
能圖存非掃除妖孽無以竟護法之全功
非澄清粵海無以立和平之基礎謹據胸
臆迫切宣言凡我軍人勉旃毋忽

▲粵軍總司令佈告賞格 此次廣西強

東江方面 潮梅

盜軍隊壓迫粵軍致生戰事即爲廣東人
生死存亡關係之戰我鄉人父老協力直
接間接以助粵軍爭回人格除己自請奮
勇各鄉另向訂明賞獎外茲更定賞格如
下(一)桂軍敗潰時如有能細綁其司令
統領以上之人員來獻者分別賞花紅銀
自二千元至一萬元(二)殺桂軍之偵探
或其他軍事人員查明分別賞獎(三)截
獲或破壞桂軍之糧餉或軍械者查明分
別賞獎(四)擾害桂軍交通及運輸者分
別賞獎(五)如能探報桂軍軍情查明屬
實者分別給賞(六)凡爲種種阻碍桂軍
行動間接以助粵軍者均分別給賞(七)
如因上各事受損傷者除賞獎外另給恤
費(八)如違反上述各行爲幫助桂軍者
一經查明均應嚴重處罰粵軍總司令部
佈告

▲陳總司令之照會 聞陳炯明在汕頭
照會各國領事謂此次回粵猶之直軍回

十四

直浙軍回浙毫無奇異莫逆盜憎主人橫
加抵抗是曲在彼當此戰事期中如莫逆
用公產向外商抵押借款日後廣東不負
償還責任又致某總會公函云如有商人
借給莫逆等款項日後不惟不償還并加
懲罰請轉告廣州商會一體遵照

▲陳總司令致廣東總商會及各行書
逕啓者桂人禍粵其罪惡罄竹難書粵人
處彼苛政之下顛連困苦亦既四稔今者
人心覺悟炯明恭承民意不揣力薄起而
逐之賴將士用命人心響義五日之內規
復潮梅全屬師行所至前徒倒戈人民箠
食壺漿以迎天心厭桂可見一斑不日即
當觀兵羊城還我乾淨之土誠恐桂系諸
孽自知滅亡將至或預收稅餉或息借民
款或投變公產以爲遠颺之計我粵人須
知桂系得款非用以攻我粵軍即挾以逃
之桂省由前之說摺載巨款亦是擾亂粵省
忍出由後之說摺載巨款亦是擾亂粵省

金融今特正告我親愛商民自通告之日起如有繳交稅餉借與款項投買官產炯明回粵之日概不認爲有效桂派積惡民欲借亡民之所欲天必從之凡我商民幸加審察毋自取戾所厚望焉

▲陳總司令致粵籍將官書 廣東各電局探送林鎮守使俊廷黃鎮守使志桓李鎮守使福林陳鎮守使德春申司令葆藩鄧司令文輝魏司令邦平古司令日光陸鎮守使蘭清陸司令日新黃統領業興申統領憲文何團長其多李團長易標楊幫統鼎中黃幫統鏡波翟幫統崇亮李幫統樹穠陳幫統汝嚴王幫統堯臣黃幫統恩普蘇幫統廷有陸幫統炷亭黃營長錫坤全體將士公鑒口電陸莫兩賊盤踞吾粵視同私產四年以來典兵要職輾轉相傳莫非群盜對於粵籍軍人概存嫉視子雲柱一浩亭明堂諸兄先後被排而去麗堂登同恩波植生諸兄無日不在疑忌

東江方面 潮梅

之中其未顯受排斥者以軍務倥傯未遑措置姑俟之他日耳粵軍兵額較衆遭忌亦較深始則用借刀殺人之計驅向強敵而斬其餉彈冀爲北軍所殲滅而彼之後患以絕迨粵軍屢克強敵略定汀漳彼知計不獲逞轉而煽動方聲濤擾我邑屬又挑撥海軍與我爭持年前粵軍擊散方部檢出桂系助亂確據甚夥近更乘直皖戰爭之機調派重兵壓境而陣炯明息事寧人爲念姑予隱忍彼乃反以爲怯聯合海軍定期來攻粵軍忍無可忍起而爲相當之防衛一戰而復潮梅現已合圍惠州旬日之間大勳可集諸兄同隸粵籍手綰軍符應如何劍及屨及統率所部以同建逐桂之功乃事發旬餘未聞倡起在諸兄之意或慮桂系勢力尙充未敢造次不知桂軍自經潮梅敗創之後賊胆已寒且以兩省之力不能守潮梅而欲以敗衄之餘支持殘局勝敗之數實已顯然此不必慮者

一也或慮粵軍餉彈向稱缺乏曠日持久非桂軍之敵不如暫採持重態度不知粵軍停戰以來汕尾工廠積存子彈三百餘萬顆此次攻下潮梅捕獲步槍逾萬大砲二十餘門機關槍四十餘枝子彈無算以軍實論已非桂軍所及益以人心天意粵軍之勝蓋已左券可操此不必慮者二也或慮平日餉糈械彈受之桂系一旦反戈懼貽人以口實不知一切餉械本爲吾粵之物吾粵軍人自當享有詎容桂系引爲恩惠且兄等或富於經驗或長于學識同屬吾粵特出之才桂系乃加壓抑使屈居于少年浮浪馬濟之下兄等自思得無短氣故今日之舉國人方觀成之不暇斷不議爲負義此不必慮者三也或慮平素相知未深懼有見疑因而觀望不知炯明秉性直率素以直道待人辛亥之役洪湘臣兄率隊來歸旋即寄堅誓茲事諒爲兄所稔悉矧此次戰事純爲粵桂之爭但能爲

粵立功即當賚以上賞斷無私意存在其間此不必慮者四也現大軍合圍惠州桂派軍隊多已派赴前敵諸兄若能于彼咽喉心腹之地加以攻擊朝發難夕可收功他日論勳會膺懋賞若猶徘徊瞻望不知自奮則後至之咎當不能爲兄等諒粵軍師直爲壯固無敗衄之理萬一不幸而敗兄等自審經此次戰事而後粵人軍隊其不爲桂派所疑者無幾何則今日所以待粵軍者他日即以待兄夫又安能幸免故爲兄等計動則必勝不動則必敗實可一言而決兄等即不爲粵軍計獨不當爲自身計爲子孫計耶炯明與兄等同屬軍人同在患難之中凡今所言實掬肺腑以相示絕無私毫利用之意惟兄等熟審之炯明冬印

▲陳總司令揭布桂軍獸行之要電 上海民國日報併轉申報新聞報時報時事新報新申外報神州日報中外新報國語

日報各大報館公鑒古來節制之師於所
在地方必秋毫無犯及夫近世則雖得敵
俘囚亦有相當待遇蓋戰爭目的期於破
滅敵人之戰鬪力而止非以多殺爲功至
戰鬪員以外之平民更無加以殘害之理此
爲文野之辨中外不易我軍自開戰以來
俘獲桂敵已達六千餘人或即釋放或予
收容其中有敵總司令一員統領三員團
長一員幫統四員營長六員以下官長多
人一一以禮法相待不肯損其毫髮乃我
軍士兵偶爲所獲桂軍非截斷其肢體即
剗去其腹腸盜跖肝人不圖復見於今日
近在白芒花平山一帶戰敗焚燒民屋洩
憤動至數十村殺戮無辜鄉民更不勝計
婦女逃藏不及即被強辱以死彼輩長官
自稱保護外人而所至教堂教民亦並不
能免於焚殺聞惠州司鐸格蘭巴氏已有
報告願外人耳目所及有限尙未悉其各
處之野獸行爲也自陸莫等盤踞粵東視

東江方面 潮梅

爲征服地肆惡縱毒彰彰在目炯明已於
去月聲罪致討惟彼所謂軍隊種種舉動
慘無人理甚於生番炯明爲自由而戰不
能不救我邦人知公理尙存更不能不去
此殘賊是用專電宣佈中外惟共鑒之炯
明發自老隆行營巧印

▲陳炯明嚴行取締軍隊搶劫令 爲令
遵事照得本軍返省原爲討賊救民凡我
軍民長官自當體本司令弔伐之心對於
地方人民加意撫綏保護庶足以慰吾粵
父老昆弟期望之殷乃以近日所聞各屬
劫案疊出其最重者如潮安郭威坤家之
慘被劫殺夥匪多至數十人失贓在二千
餘員拒斃鄰人一命槍傷婢女一口以至
舉家遠徙避地他方又如彩塘水尾鄉吳
再合爲軍隊勒索揭陽登崗鄉遭兵搶劫
其他勒索槍枝肆行敲剝假收買子彈之
名實行嚇詐金錢之案尤屬不一而足各該
長官於此等劫殺重案既屬漠不關心以